




39386

Aug. St. Dr. P

26

1883.5

Biblioteka Jagiellońska




stdr0026546

Wiazkiewicz  
Paulinus

Ecologia 69 59.







# CÆLUM SOLIS

In quo Deus posuit Tabernaculū suum,

D. THOMAS AQUINAS

Christianum orbem, doctrinæ & virtutum fulgoribus

## ILLVMINANS,

In Basilica S. Hyacinthi Conventus Varsaviensis

ORDINIS PRÆDICATORVM

*per M. PAULINUM à S. ANDREA*

Scholarum Piarum (*Wierkiewicz*)


*ex Oratorijs Rostris, stylo panegyrico*

## DEMONSTRATVM.

*Anno, quo Deus inclinavit cælos,*

*& descendit in terras 1696.*

*die 6. Martij.*



V A R S A V I Æ,

In Collegio Scholarum Piarum Typis S. R. M.



In Stemma  
PERILLVSTRIS & REVERENDISSIMI  
DOMINI.



39386  
T. 6

*Deliciae Regum si lilia? sorte beatum  
Hac, quis Florem SVSZYCIIq; putet.*

Alexander Krasinski Capitan: Homellensis & Propoensis.

*Iactent Elysiij campos cum tempore flores,  
Nec steriles celi lumine dona ferant:  
Quantos hic Patriae fructus dabit, atq; decores!  
Principe Sarmatici luce fruendo Throni.*

Victor Felicianus Cieszkowski Vexillif. Novogrod:





# PERILLVSTRI

ac -

## REVERENDISSIMO DOMINO D. REMIGIO SVSZYCKI

Canonico Cracoviensi, Scholastico Lanciciensi,  
Serenissimorum Principum Poloniæ  
ALEXANDRI & CONSTANTINI  
MODERATORI.



*Cælum solis in Tuas descendit manus ;  
non ut aliquam, meritis & honoribus ra-  
dianti augeat lucem, sed religiosis involu-  
tū umbris, à Tantis serenetur splendori-  
bus. PERILLVSTRIS & REVERENDISSI-  
ME D. In patentiori profecto non poterat explicari  
aprico, quàm ubi coram Te stetit, qui scholastico a-  
demptis Cynthio fulgoribus, Theologico insuper sole,  
& Regij Illustris lumine vultus, ea effulges claritate,  
ut non in has Cælo meo adhaerentes nubes, effundere  
possis serenitatem, sed Lechico quoq; coruscans orbi,  
maiores, tam consilijs, quàm ingenio amovere tene-  
bras.*



bras. Talem enim cernimus, & veneramur, qualem  
Regnator Poloniæ amat Thronus, & qualẽ pridem  
Magnus ille ingeniorũ Aestimador adverterat O L-  
SZOVIVS, eruditioneq; eximiũ videndo, maximis  
nonnisi & gravibus parẽ judicaverat muneribus :  
ideoq; virtutis cursu prævertentẽ stupens maturitatẽ  
etatis, vix Primatiali adhibuit lateri, cordi simul  
applicuit, & præfaga mẽte ad grãdia destinatũ præ-  
videns, quẽ Tibi se nunc non posse ; fato præoccupat-  
us iniquo ; sperabat testari amorẽ, tunc iam compẽ-  
diatas naturæ & fortune dilexit dotes, adeo ; ut has  
præmiare animo , boni Principis placuerat, ni mode-  
stia deprecantis conspirantem in se expedi-visset hono-  
rem ; in virtutis, non dignitatum, Te potius inferen-  
tem passus, ostendendo. Et quamvis ita familiaria,  
docta Heliconis Numina, in pectoris admiseras sa-  
crarium, ut non plus hæc Tibi, quàm illis Ipse attu-  
leris decoris ; in Polonorum tamen ingeniorum The-  
atro, talis probari voluisti, qualem primi Princi-  
pis Regni mirabatur aula ; eam intra Academica li-  
mina inferens eruditionem, ad cuius prototypon Po-  
lona Iuventus, in Patriæ crescens ornamentum, di-  
sceret suam formare vitam. Otium illud literari-  
um Tuum, multis laborem attulit : quandoquidem,

cum



cum imitari saltē, si non adaequare, placuit; diurnis  
nocturnisq; lucubrationibus immorari, omnibus volu-  
pe fuit. Invenit Aristoteles in Tui vastitate ingenij,  
Euripum: stupuit se iterum, sed & gavisus est, his  
absorberi latifundijs, nobiliorem sibi gratulando se-  
pulturam, quā simul Rhetorici fontes, & Aquinati-  
cus allueret Oceanus. Sed Apollinares quoq; laureæ,  
Numinis sui postposita fronte; nativo Parnassi de-  
serto situ, in Tuum pulchrius, duxerunt sibi trans-  
portari verticem, Doctorali, eruditi capitis gestientes  
redimire tempora sero. Nec mirum hæc Tibi excre-  
uisse decora; steriles enim non poterant esse illi pul-  
veres scholastici, effuso sæpius fecundi sudore; nec in-  
gratiores mutis gymnasiorum lapidibus, qui attoniti  
sapientiā, hactenus defixi stantes, ad præmia-  
trices laborum dignitates, extiterunt suffragatores.  
Fortunata sanè, & dives nimium Cracoviensis Pallas,  
Tuos asservans uniones, quos intensus eliquavit la-  
bor; æternātem famam Nomini SVSZYCCIANO  
non dubitans se mercaturam illis, postquam pretium  
illorum, Serenissimæ æstimârunt Maïestates: & quæ,  
de digno virtutum illius theatro sollicita, mentem  
sibi non raro torsit; angusta illis Craci videns mænia;  
suis jam potitur votis, gloriatur fortunā, dum Te



*Serenissimorum IO ANNIS & MARIÆ, Pólo-  
niæ Regum, Serenissimis Filijs Moderatorem dedit,  
tanto muneri parem extitisse, exultavit. Plurimis  
e longinquo regias datur spectare Majestates; Tua  
Te virtus propius admovit, ut quò propinquiore,  
eò priori ad gratias pateret aditus: Serenissimæ Pro-  
lis adlectus institutioni, eos solitudine ab Invi-  
ctissimo Genitore merereris favores, intuitu quorum,  
omnia digna Tanto Patre, Tantisq; Filijs agis. Am-  
biêrunt hanc felicitatem multi: sed, vel sub impari  
sibi lassandos præscia fortuna onere, fugit; vel Expe-  
ctatio Poloniæ, audaces elusit intentiones; ut Tu eam  
formares Iuventam, cuius magnanimitate; restituta  
Lechiæ in Potentissimo Genitore felicitas conser-  
uaretur ac augetur. Assentatore calamo scripsit,  
an ore protulit aliquis; cum Iove Cæsarem, diuisum  
habere imperium; parum tamen illum augustæ men-  
ti tribuisse existimo, si animorum negavit domini-  
um: in Serenissimis Nostris Principibus, amplio-  
rem Tibi Dî cesserunt fortunam; ut similes illis  
mentes, similem prudentiam, animi magnitudinem,  
similem dirigeres Majestatem, & eum intuereris a-  
morem, quo civium in illos ita feruntur corda, ut  
non tacitis solum, sed & publicis suffragijs, mûdi im-  
peria*



peria ijs destinent, promittant diademata, pre-  
centur sceptrā, solia offerant. Nec vano omine;  
quoties enim modestiore aspectu in eos defigimus ocu-  
lum: reptare ad pedes purpuras, auri pretia in  
multiplicibus dignas frontes coronis, gestire,  
inclinari Thronos advertimus, ut in veneratio-  
nem orbis, regias mentes elevatori attollant  
suggestu. Ipsa siquidem faciei Majestas, & ueren-  
da actionum gravitas, maximi indicia inhabitantis  
spiritus; quid Illis celi, quid obsecutura polliceatur  
regna, imo quid conservatū teneāt, ostendunt, ita, ut  
vel nulli, vel solis debeatur summa Regnantium fastigia.  
Scit quippe totus Christianus orbis, quā gloriosa  
per ora hominum ferantur eorum præconia: ac pro-  
inde gratulatur sibi tales donatos Principes,  
qui Othomanicam deprimant potentiam, humili-  
ent fastum, sub triumphalem mittant calcaneum.  
Si enim ad Nomina, famamq̃, formidine, Bistonum  
congeletur, ac pene exanimetur sanguis, & crebri-  
orem presentientia cladem pectora, singultibus immi-  
nenti adgemant fato; invios quos quærent aufugi  
recessus? postquam explicatis armis, victore gladio  
deiecta capita, suis adsternēt plantis; Sarmatici bellu-  
onem sanguinis, in proprio demergent cruore. Legi



*hæc in illis prognostica Invictissimus Parens, & vi-  
vam sui contemplans imaginem, auferri sibi toties  
sentit cor, quoties æstuantes desiderio martialis intu-  
ens laboris; ipso ardore magis, quàm tolerantia Ca-  
strensum incommodorum, coniicit ingentes fatigari  
animas. Ideas scilicet Platonicas eorum crederem  
erigere Magnos Principes, quæ olim facturi sint; si  
non; idem agere ac concipere, illos scirem, imò facilius  
agere, quàm concipere. Sed quorsum euasi? pu-  
det me Augusta Nomina, in angustias pagellæ meæ  
deduxisse, quæ integros merentur fastos: parcent  
tamen temeritati, non diffido, excusatū habebunt, si  
prout omnibus è Scholis Pij, ita mihi minimo sine  
laudibus eorum vivere, nec licet, nec placet. Feci  
id, ut Tuæ, Perillustris & Reverendissime Domine  
inde documentum quivis intelligat gloriæ; quan-  
tus ipse es! si tantis præsis Principibus, & ex mu-  
neris dignitate, æstimet virtutes. Vellet nunc divi-  
nitatem suam, Tecum commutare Plato: Stagyrites  
Macedoni non præscriberet præcepta; Arsenius, Ar-  
cadij teneros non flecteret annos, si in hæc incidissent  
tempora; mallent potius Serenissimam IOANNIS  
& MARIÆ instituere Sobolem: verùm tempori  
indignentur, fortunæ maledicāt; quæ in Te pronior,  
in hos*



*in hos crudelior extiterit : frustra tamen mortuales  
irâ intumescunt cineres , frustra accenduntur in-  
vidiâ ; sub Te Chirone , Poloni debuerant formari  
Achilles : Tu unus ad præmia gloriosè exacti eligi  
muneris. Habet repositos IOANNES III. ha-  
bet grata Patria impensæ virtutis honores ; quibus,  
cum Delicijs suis ALEXANDRO & CONSTAN-  
TINO, Tua remuneretur fatigia. Erit illud tem-  
pus , cum meritis iusta collata pretia, & Pias Scho-  
las in applausum excitabunt , nec patientur se ad  
reddendam præveniri gratitudinē ; quandoquidem  
ita illas obstrinxisti , ut Tuo impendi honori ; gloriæ  
sibi & felicitati ducant. Quanquam vix suffici-  
entes ad rependendas inuenimur gratias ; & si ani-  
mus volentibus inest , modus tamen non suppetit ,  
ne impari certantes voto , in beneficiorum peccemus  
multitudinem. Novimus Tuam in nos propensio-  
nem ; experti sumus & Universitatis Cracoviensis ;  
adeoq; tam huius , quàm Tuo ingrati non possumus  
esse affectui. Et hæc in Scholas Pias bene-volen-  
tia, mihi quoq; necessitatem imposuit : testandæ, qua-  
liscunq; demū sit, iniunxit officium gratitudinis : non  
ut nihil Tibi debeamus, sed debiti aliquam exolva-  
mus ; vel ( quod verius est ) maiorem contrahamus*



partem. Quanquam magna ausus sum, nec ideo  
præsumptionis notam effugere possum: ingentia me-  
rita Tua, aliquot complecti adnitendo verbis, quæ  
disertiores alij recensendo, ampliori illa adornarent  
panegyri: nisi animo resumpto plus me præstare sci-  
rem, si magis eadem silentio conator, quæ omnem e-  
loquentiæ excedunt possibilitatem. Aliqua solū atti-  
gi, non ignorans quævis elogia de Te, potius debere  
constare gestis, non dictionibus; neq; illa facilius posse  
à me dici vel scribi, quàm a Te fieri. Benig; reve-  
bar, ne typographis splendorem illis adimere viderer  
umbris, & sub prælo extenuata, Polono porrigere  
mundo, dicendoq; aliquid, maiori inuoluere silentio.  
Sufficiet mihi; si impar SVSZYCCIANO celebrâdo  
Nomini; talis salt; Illius dici, & esse meruero cultor.

Perillustri & Reverendissimæ  
Dominationis Vestræ

Devotissimus servus

Paulinus à S. Andrea  
Scholarum Piarum.





*Cælum solis, in quo Deus posuit tabernaculum suum D. THOMAS Aquinas.*

**D**esinite tandem, desinite aliquando terris  
inensa sæuire astra, amænior, serò licet,  
affulgete sidere, jam post nubila, post mor-  
tes & funera, clementiore mundum respici-  
te Phæbo, & mortali satiata nece, reddite diem, horren-  
dam superfusam orbi caliginem amouete. Sexies jam  
mille, prono cursu labuntur sæcula, non tamen aliquod  
terris est tale adhuc exortum jubar, quod humani nubila  
dispergeret animi, tristitiam discuteret, incubantē den-  
sis tenebris leuaret noctem. Etsi enim Creatoris dono;  
os homini sublime datum, cælumq; tueri jussus, & ere-  
ctos ad sidera tollere vultus, non ideò tamen feliciores,  
fortunæ nostræ gratulari possumus, si communi vermi-  
bus, muscisq; fruente luce, animis nihilominus indu-  
ctam patientes noctem, diem desperare cogimur. De-  
plorandam sanè mortalium sortem! miseros terrigenas!  
quorum ita addensatæ mentibus iniciuntur nubes, ut, in  
deuia præcipitando gressum, ad veritatis lumen neque-  
ant peruenire. In ipso quippe adhuc nascentis mundi  
mane, hæc nobis insedit caligo, quam Princeps ille tene-



brarum, lumine intellectus erepto, invehens, ita illum  
Cimmerijs involvit, ut ne vel intra aliquot elapsa sæcu-  
la, his se expedire valens, erroni populo nouam olim cæ-  
li debuerint accendere lucem, ne fortè per inuia vaga-  
bundus deserti, à Numinis dessectens via, in alienos im-  
pingens Deos, erroribus abduceretur. Et quamvis se-  
reniore vultu nos tandem fuerant dignati Superi, cùm à  
sedibus Excelsi, illud increatum Lumen, Splendor Patris  
æterni, ante luciferum genitus, in umbra mortis seden-  
tibus illuxerit; infernalis tamen tenebrio, an potius in-  
fanientis mundi turbo, æcumenicis immistum umbris,  
extinxerat, è suo radiantem detraxerat zodiaco. Arsit &  
nouo prodigio cælum, splendentes parturierat flammæ,  
conceperat incendia, totumq; stupendis planè æstuabat  
fulgoribus; quid dico? ignibus depluit, ardentibus in-  
terras defluxit linguis, ut undequaq; circumfulgentibus  
lumen persuaderet, tenebras dissuaderet: verùm, nescio,  
quæ mundi malitia toruo vesana spiritu, excitata collu-  
centes demersit tempestate. O tristem scenæ faciem!  
o spectaculum luctuosum! o intolerabilem mundi cala-  
mitatem! ergo jam revulso lumine, latiore non lice-  
bit sperare diem? itane superna orbi luce, mæsta nobis  
forbebitur lachrymis pupilla, nec clementius aliquod  
illi dilucescet astrum? adesses nunc! adesses Parisiensium  
Antistes Dionysi! & uniuer sales has contemplatus tene-  
bras, iterum vel naturæ authorem pati, vel orbis machi-  
nam è commotis defluxuram basibus assereres dissoluen-  
dam.



dam. Sed quid agimus Auditores? cur cæcâ premi  
mundum querimus nocte? en subito noua ipse irradia-  
tus luce, sensim rarefcere caliginem video, crassioribus  
obsitum nebulis resolui conspicio aërem, medijs terræ  
ætherisq; regionibus, Cælû solis extensum aduerto pan-  
di. Cernitis illud? intendite solummodò non tam o-  
culorum quàm mentis aciem in Diuinissimum Docto-  
rem THOMAM Aquinatem, & sacro illius appensum  
pectori intuentes solem, talem mecum adorete. CÆ-  
LVM ego SOLIS, in quo Deus posuit tabernaculû suû,  
hodie venerabor; non minoribus niçtitans stellarum  
igniculis, sed grandioribus resplendens fulgoribus, ut-  
pote primæ magnitudinis conspicuum sidere. Vereor  
equidem, ne penes tanti luminis copiam, eloquentiæ  
meæ clariùs vobis pateant defectus, qui fortè beneficio  
tenebrarum censoriam effugissent pupillam, non diffi-  
teor tamen, quòd vestrà etiam D. A. protegentur bene-  
uolentiâ.

Nondum sua mundus sumpserat initia, quando Sum-  
mus ille, ac Supremus huius universi Parens, Deus Ter-  
Optimus Maximus, innumerabilibus prior sæculis, & o-  
mni antecedens ævo, in sua immensus existens majesta-  
tè; in tempore tandem, lucem illam clarissimam, quie-  
tem placidissimam, cælos inquam inhabitauit. A. D.  
Quamvis enim totam hanc latepatientem impleat molé,  
cunctis, certa & immutabili lege imponendo dominium,  
ut non Athea delusæ opinione mortalium mentes, for-



tunæ varietate, vel vi aliqua materiæ, cælestia terrestriaq;  
temperari, verùm diuina prouidentiâ gubernari intelli-  
gant; post rudem tamen & indigestam, ordinatam farragi-  
nem, ætherios statem orbes, in sedem, & maiestatis  
elegit solium, ut secundùm altitudinem illorum, sic &  
gloria ejus mundo innotesceret. Verùm non ita & hoc  
supernum adamauit domicilium; nouos semper inter  
homines, quinimo in ipsorum pectoribus efformans  
cælos: quod vel ipsi certo profiteri videmur asserto;  
in ipso nos viuere, moueri, & esse; eò firmiùs, quòd  
ex sacro ipsius oraculo; in medio populi eum audiueri-  
mus habitare. Et si Pòeticæ est credendum veritati?  
esse Deum in nobis, agitante illo, nos calefcere. Sic  
post præcipitata in æternitatis abyssum quinq; millium  
annorum sæcula, depressa dignitate sua, à summo exul-  
tans axe, in terræ descendens infima; immensitatem su-  
am ita angustijs coarctauit illius, ut unius Virginis com-  
plexus visceribus, medius in medio nostri humanatus  
steterit. Cælum hoc innube ex mente Hipponensis  
Præfulis, æterno illud incolenti adeò complacuit Deo,  
ut quem olim dolore intrinsecus tactum pænituertit ho-  
minem creâsse, tunc delicias suas esse cum filijs ejus sæ-  
pius asserens, etiam nunc similes sibi construit mansio-  
nes, in quibus sapientiæ suæ proponeret argumenta, om-  
nipotentia documenta testaretur. At multos ne  
ejusmodi antecedanea tempora viderunt cælos? quot  
anteacta ætas collucentes telluri tales obseruauit polos?  
qui



qui in dilectum veri Numinis cessissent aliquando habitaculum, & fulgentissimo super adiacentes orbi tenebras resplenduissent lumine? fateor equidem propria fœdæ Veneri non deesse astra, in quibus effreni insaniens amore, noxios in mortalium cordibus accendat ignes, excitet ardores, nutriat incendia, adurat flammis, sacra insuper populetur pectora, vel saltem ignominia deformet fuligine: ast Deus castis solum delectatur animis. Fateor & minaci bellorum fulminibus Marti suum esse fidus; sed quod discordias, tumultus, cædes, strages jaculando in terras, funera regnorum luctumq; adferat, vicosexurat, diripiat urbes, deuaſtet agros, domos incineret, Christi templa in stabula, altaria in præsepia, sacra in profana; satine? in spurcæ libidinis immutet propudia: at cogitans Deus cogitationes pacis, tumultuantes fastidit residentias. Fateor & Lunæ non raro oriri Phænomena; sed quæ vitiosis deformata nævis, nunquam eandem præferant faciem, nunc in plenitudinem perfectionis crescentia, nunc decreſcentia; modò in orbem sinuata, æternitatem quandam præſentis Dei commonſtrent, modò nulla compareant. Non nego frequentiores Cyllenios niſſitare axes; sed qui mendicato solum rutilent lumine, ideoq; diuinam præſentiam vix attrahere poſſunt, quæ lucem inaccessibilem, & indeficientem complectens, adſcititios odit ſplendores. Cælum ſolis A. Deus inhabitat, in ſole tantum ſuum ponit tabernaculum, hîc ſedes, hîc thronus illius. Dubitatis?



at nimis inhumani essetis, si auersum obtutum mentemq; à Diuinissimo Doctore tenentes, idem non assereretur. Sed neq; ambigere poteritis, postquam productionem ejus penitiùs scrutabimini. Reuoluite tantummodo mentem ad admirabilem mundi constructionem; & Verbo Domini firmatos non ignorantes cælos, etiã hoc eodem factum non negabitis; ubi Spiritum Domini super Aquinatica ferri aduerteritis fluenta; à quibus ut Thomisticum diuideret Deus Firmamentum, & suprâ juberet in lumen uniuersi librari; non aliâ linguâ, ut diceret, nisi Spiritu usum credetis: ut super orbem appenderet; Dextræ suæ Digitũ adhibuisse decidetis: ut sparsas super faciem Abyssi (THOMAM intelligo) depelleret tenebras; eodem dissipatas non dubitabitis Spiritu: ut amica solis radiaret amœnitate; Spiritu Domini ornatum & accensum annuetis: deniq; Lingux huius Verbo facta omnia mirantes, perfectum omnino in suo stetisse initio, & non tantum ipsius capax Dei, verum etiam toti illuminando sufficiens mundo, faciliè concedetis. Iamq; bonum mane! post tot letales nonnisi suadentia sidera somnos; bonum inquam mane tibi apprecare orbis, futurum gratulare exoriturum diem, non amplius querulis tardè reduces vocibus urge Phosphoros; tripudia! exulta! lachrymis hucusq; innatantem absterge pupillam, hilariorem exporrige frontem, demissam in mærore eleua palpebram, reduc iterum in orbem diutina suspensum tristitiâ supercilium, in saluatorios rede-

un-



unti felicitati, te præpara applausus. Eant jam faustiores, & ideo jactantiores Romanorum dies, quos multiplices quondam intulerunt soles; fortunatiora nobis redeunt lustra, dum longè copioso à Cælo hoc renident fulgore. Ita enim in apricum prodit, ut quævis tollat sidera, & ad diametralem lineam principis oppositus tenebrarum, desidia eousq; hominum, meridianum factum, in tenebras compellat, ejciat, damnet exteriores. Time infernalis Alastro! in Cælum hoc, tristem nonnisi, & toruum abhinc defiges oculum; horribiliorem Erebo deuoluendam spera caliginem, quam mox radians illius Titan è mundo fugabit: æquale cum Altissimo non tibi supra illud ominare solium; si ipsius sedes est? inquilinum certè non patietur. Formidate lippientes Hæreseos oculi! & si ad Dominici majori reardescencia vi toties caligauistis lumina, ad Cæli nostri matutinam cæcutientes lucem, meridiem non expectate, quandoquidem reuerberantem ferre non poteritis claritatem; & si minores aliquando, iniquo forsitan fato! obscurare potuistis planetas, integrum inuoluere cælum, non vestrarū viriū erit. Quanta! quanta boni superi ab illo fluent solatia! quanta lucis manabit reflexio! quam hinc natiui augment splendor, illinc nova accensa ei cumulant sidera: hinc Aquinatum Comitum associant decora, illinc mystica comitans Aurora, qualem euoluet serenitatem, prælagit. Arripite studiosi Matheseos alumni vestra astrolabia, tubos capite opticos, sumite telescopia,

videte, quodnam apparuit signum; & si illa ex Iacob  
stella? nova gaudia nobis auguremini. Horridis vitiorū  
squallens absinthijs tellus, ditiori fluctuabit messe, si u-  
berrimis in illam jam nunc destillans imbribus, ad emol-  
liendam, & fœcundandam, æstu decoctam scelerum, non  
in hæc larga tantū soluitur profluvia, integra etiam ab-  
sorpta parat effundere maria: illa inquam Maria, ex qui-  
bus Divini Spiritus descensu fœcundis, & Altissimi obū-  
bratis virtute, Incarnata mundo emerit Diuinitas, Gē-  
ma coronæ Sanctorum progenita. Parum bona duxere  
Numina, cœuis & gentilitijs sterile solum irrigare a-  
quis, integro illud replent mari, ut copiosum proferat  
fructum in tempore suo. Adeoq; frustra jam pia Geni-  
trix Theodora, THOMAM Principum agitas cunabulis;  
cælum est, operosioribus, quia infatigabilibus Intelli-  
gentijs magnitudo ejus mouenda committitur: frustra  
tenellum stringis fascijs; cælum est, amplitudo ejus non  
his zodiacis circumdari debet: frustra nutricum jubes  
portari manibus, cælum est; potenti manu Dei supra ter-  
ram affixum, declives fugit ambitus: frustra materno  
pulsionem ablactas ubere; cælum est, non has sibi Gala-  
xias imprimi vult, sed quas innocentiae depinxit candor:  
frustra inter gynæcei sollicita educas delicias; cælū est,  
omnib<sup>9</sup> prodesse debet, omnes illuminare: frustra pue-  
rilia ingeris manib<sup>9</sup> crepūdia; cælū est, in cujus altissimis  
æternæ fixa habitatio Sapientiæ, paginæ solū, vel libri



referet similitudinem. Iamq; sit sua Isaiaë oraculis fides, typicum illud adinstar complicati libri habeat veritatem cælum; in hoc; quot explicata cernuntur folia, tot vastitate grandes numerantur sphaeræ; quot lineæ, tot motus; quot verba, tot stellæ; quot elementa, tot radij; quot literæ, tot signa computantur. Non jam itaq; sollicitam ulterioris victus crescenti filio ad majora te exhibe Theodora; ut famem & sitim expleas, liber illi vel pagina danda est. Deuorat plerumq; libros malitiosa juvenus, Ovidios iterato mulctat exilio, Lucanos, ne lucem videant, Virgilij Bucolica, ne musas vernerentur agrestes, & sexcenta classica absumit volumina, postquam diuenditis libellis, perniciosam illis unicam taginat sitim, quasi verò non satis essent Hippocrenæ fontes, vel eloquentiæ flumina ad explendum adolescentiæ intellectû, ni Hybla, vel Phalernum extinguant præconcepta malæ mentis desideria. Divinissimus THOMAS aliter folia librorum manducare nescit, quàm labijs ingesta tenellis, visceribus immittendo, Recludit quidem pectus, sed ut Librum, cui Verbum æternum inscriptum fuit, in se reponat: panditur, ut Nomen à cælesti Fortitudine allatum in terras, iterum suis recondatur augustalibus: Nomen scilicet, quod Nazareni celabant parietes, purissimo solaris astri recipiatur penetrati. Nollent profectò librorum sexterniones gemmata Darij scrinia, si ejusmodi collocarentur triclinijs, quæ non aliud habent ostium, quàm os, non aliam bibli-

othecam, quàm cælum. Infantilibus tandem evolutus  
cunabulis, ad Cassinense currit studium, ut ex Benedicti-  
nis spinarum puncturis, suauem sapientiæ decerpit ro-  
sam. In montis illius verticem primos effudit radios,  
ut reducis diei certior omnibus spes conciperetur. Cas-  
sinenses Musæ Atticas pertasæ noctes, non ampliùs a-  
micam sibi petiére auroram, postquam totos cælos, ipsa  
Hyperionia blanda suspexêre ora. Demisit de sua, palæ-  
stricus Majestate Phæbus, nec aliquo visus jam tunc splē-  
descere jubare, ubi hæc illi opposita steterunt decora.  
In inutilia forsitan tantùm syluescens ille Parnassus sen-  
ticeta, & ipsorum ferax truncorum, in aptas primò effi-  
giandis Mercurijs arbores, & doctæ Palladis succrescere  
cæperat oleas, innumerisq; se grauari sensit lauris, post-  
quam beneficus illum Cæli nostri respexit planeta. Apol-  
linis lucus, longa ætate, ipsis nigrescens umbris, pristi-  
nam sibi restitui exultauit lucem, vix à luminoso excan-  
duit hemisphærio. Habet plerumq; & immatura æ-  
tas, quod admirandum & præmiandum in se demonstret  
orbi. Arctis non raro minutiores cunis captiuantur  
artus; & jam capacissima virtutum, longi impatiens tem-  
poris, ex angustijs illorum emicat mens: domesticis  
pusio clauditur liminibus; sæpe tamen dissitâ rapit in stu-  
porem plerosq; famâ, & morum non nemini grauitate  
illustis, ingentem de se excitat opinionem. Vagiens  
nondum Alcmenæ brachijs dimittitur Hercules; imbe-  
cilla manu jam præfocat colubros, majoribus impar li-  
cet



cet adhuc draconibus enecandis. Multos siquidem numeramus, in quibus nihil puerile, præter corpus judicamus : plures videmus, pumilâ etsi terræ adhærentes staturâ, grandescente nihilominus ad maxima, Olympos tangentes animo, adeo, ut cùm æquare illos non cuilibet licuerit, sequi saltem vel mirari, gloriæ & felicitati ducant. Ea ex Cassinensi musæo de Aquinate nostro percrebuerat fama : euasit sub magisterio Benedictinorum, & bene doctus, & benedictus. Mons Cassini, Parnassus illi, in quo frequentiores sacros in odæo concentus, quàm cantilantes audiendo musas ; sæpius deuotis lachrymarum profluvijis, quàm Castallijs innatando torrentibus ; crebrius genua flectendo, quàm oratoriè sermonem inflectere discendo, alienum à cælo literarium etsi adamauit otium, tale tamen, in quo plus agendo, Assistrici sedium Altissimi dignum pararet reclinatorium. Ignaviæ siquidē pullulantia capita partu, sapientiæ nequaquam domiciliū sunt, quæ bruta potius irrationalia nutriendo fouent, vel preciosarum gēmarū (litteras volo) prædonibus latibula exhibent. Quid enim à doctis numinibus non occupata sunt capita ? nisi tristitia deserta, per quæ vaga oberrans mens, otio indulget. Bonum omen, si in adolescentum mentibus suam Apollo Delum, vel Clarium ilico inueniat : evidens ætatis juvenilis documentum, in publicum crescentis solatium, si Palladiarum amans olearum, non remissè Cleantis nutrit lucernam, ut non natiuis diues tantum splendo-

ribus, scholastico quoq; illustrior Cynthio, pulchriores  
undequaq; discriminet radios. Nata nobilius infantia,  
cum quoddam terreum censeatur Numen; non sibi na-  
scitur, sed omnibus: hac inter viventes annumeratur  
lege, ut eorum bono se ortam existimans, nihil fatale  
ominetur. Talem quæso liceat vobis Auditores Aquina-  
tem nostrum, tale primum Cæli hujus, intueri mane;  
in quo non irata facies, imminetia tonitrua; non con-  
tracta in nubem supercilia, fulmina; non torva & aspe-  
rata frons, tempestates portendebat. Nihil tam subli-  
me ac elevatum fuit, quod non cerneretur aspectu; nihil  
depressum, quod dedignaretur, nihil magnificum, cui  
non augeret incrementum; nihil humile, in quod sua  
cum majestate non influeret virtute; deniq; nihil, quod  
se à calore ejus & lumine abscondere posset, talem pro-  
pinquis se infundendo, ut longè distantia non despice-  
ret. Ita innube Cælum nostrum, jam induitur tenebris,  
religiosis operitur umbris, viciniùs tamdiu terris, ecli-  
psatur, non ita attamen, quin pulchrius expectantium  
iterum explicetur oculis, angustiore, Dominici & suo  
desiderabiliùs fidere. At vide! quid agas THOMA?  
non ampliùs in domus tuæ decorem vestieris purpurâ,  
sed aspero tectus cilicio, nigro obsitus sipario, crebrio-  
res pati debebis eclipses. Angustam quidem immen-  
sitati tuæ, terram fugiens, capaciorem credo expetis si-  
tum? falleris; arctiorem inuenies: ampliori vis spectari  
loco? erras; demissiorem habebis: liberiùs & potentiùs  
spar-



spargere gestis radios? deciperis; religiosum velamen  
concentratos solam humum coget ferire: à nocuis, &  
exhalantibus in tuam infectionem vitiorum mephitibus,  
quæris tursum abstrahi? ignoras; etiam has ni calentio-  
ri exuras igne, tumultuantia in te ipso tonitrua, vel ful-  
mina parient, quæ incautum non raro lacerent & feriant.  
Deniq; ejurabit Aquinatica genesis, quam ejuras, dum in  
religiosa juras proposita: destituet juvenilis sanguis, diu-  
turnis extinctus jejunijs. forsitan nuncio rumore, hic patet  
Theodoræ occasus, quæ mallet te semel mortalibus  
squalentem umbris, non amplius serenari, quàm semper  
Aquinatico nomini occumbentem: vellet sepultum spe-  
ctare, quàm claustralibus insepultum parietibus. Viden  
imaginatrice ratione, ut parata pro te vestium discindat  
tegmina, unionum conterat pretia, ut cineri immorian-  
tur suo, quandoquidem non vis vivere illis: opulentas  
hereditariæ possessionis dilaceret inscriptiones, cùm di-  
ducto, ad capeffendam prædicatoriâ vestem contendens  
pectore, tantarum familiarum discerpseris diplomata,  
quæ in te transcribebantur. Fundit lachrymas; si propi-  
ùs accederes, duo lumina, flumina fierent, quatenus ma-  
ternis obruereris fluentis, quem adeo Dominici adussit  
canicula, ut nec cognominis, nec gentilitio flumine, nec  
maternis intepefscas torrentibus. Imo verò ocyus ac-  
celera: propaginis tuæ sidera, non niger obtenebrabit ha-  
bitus, qui diem in candida repræsentat toga. Non len-  
te Lentine Pater prædicatoriam impone laciniam, quam

festino & festivo THOMAS præstolatur animò. Gratulor te Dominicano amicitui: verùm non illum arctis stringas amplexibus, non alliga cingulis; sim falsus vates, adeo ingens turbo exturbabit vires, ut hunc & laceret & auferat. Reformatum te fraternis aduerter manibus, ex religioso, rursus Aquinatem miraberis. Vis plura? certior mater, matrem exuit, cùm tu filium Dominici induisti. En jam prouolat ad Neapolitanum Conuentum, ut novum videat miraculum, arcto te potuisse capi & concludi cubiculo: appara saluatorias voces recipiendæ, virtutis tyro; ex arce Sicca properat, sed madida planctu, ut hanc novi tegumenti eluat tenebram, vel accensas Dominici depopuletur faces. Cernis ne? intumesceat animo, inhorrescit vultu, fronte asperatur, sanguine suffunditur, oculis flammæ eicit, pectore concutitur, collo distenditur, furore exardescit, nervis, ossibus, artubus contremiscit, lugubribus aera implet vocibus, maledicis in sanctas & religiosas verbis debacchatur animas, toto inquieta agitur corpore. Quid censetis Auditores? THOMAS ne in amplexus exiliet? minime: exuit filium, cùm induit religiosum, & matrem nactus religionem, pro nouerca habet Theodoram: id solum desiderat, ne desideretur, hoc præuidet ne videatur, hoc cogitat, ne unquam de ea cogitet, hoc quærit, ne quæsitus inueniatur: terræ introiret viscera, ne materna intueretur, molliores credens telluris nervos, quàm infantes amore sui fibras genitricis. Æreum cælum sensit

THO-



THOMAM nostrum, ad preces & lachrymas, ad minas & iras emolliri nec dissolui potuit: consecratus in magnam domum Dei, maternum excludit affectum, ne quid terrenum, residentis arceret præsentiam: a gentilitijs semel segregatus aquis, non vult amplius misceri, ne confusa sine ordine moles, & sibi, & mundo adferat ruinam: signum hoc fugit mulieris, quæ non solis amicta radijs, sed stygijs accensa furijs, motum suum in communem effectum sisteret, vel tardaret. Quare quiesce querulans, ab incepto desiste conamine; cælum inclinare, non tuarum virium est, sed Angelicarum. Intelligentia motrix si adhuc esses, vix quidquam efficeres, prius alterationis lassata motu, irritum defereres laborem. Non agnosces THOMAM, longè mutatus: nihil in eo relictum est, præter nomen. Oculos intueris? bina emicare luminaria videbis: supercilia, vel demissas, & in terram deiectas agnoscere voles palpebras? geminas miraberis irides: purpureas faciei considerabis genas? rubentem ortum, & prognostycon ulterioris serenitatis accendi suspicies occasum: alloqui si audebis? taciturnitate conclusam stupebis linguam, triumphalem ingredienti Deo in se asseruantem portam. Quod si vitam inspexeris? quod si filialem amorem? in Thoma THOMAM perijsse exclamabis. Sed quis, o Superi! ausus? quod facinus? in regna beata poli amorem, odijs transmutare? quæ sæva genitrix? quæ impia mater eos rursum est enixa filios, ut iterato superas arces infestent.

bel-

bello? video! video audaciores gigantes accingi armis,  
domo progredi, in pugnam expediri, in prælia feruere.  
Timete sacrilegi! timete audaculi! tranquillum etiam si  
cernitis, nullaq; minitans fulmina; verenda tamen est  
vobis hæc ferenitas. An ideo præfidentiores confi-  
ctus molimini Superis? duella meditamini inferre cæ-  
lis, quòd nullis conglobentur in vos nubibus, ex quibus  
temerariam jaculentur audaciam? perpendere tamen  
vestras debueratis vires; tantone sufficientes operi? De-  
o ne pares essetis expugnando? Qui, o tempora! Prome-  
thei, solem stellatis regionibus auferre volunt? qui, heu  
nefas! temerarij Phaetontes ad stultum velle suum, hunc  
frenare appetunt? quæ licentia luminosas inuadere non  
expauescit oras? ac nisi Castor & Pollux, Ledâq; non  
Theodorâ, Landulphe & Arnolde geniti essetis, fida ad-  
huc vobis, fixaq; statio concederetur. Verùm patitur  
vim A. & à violentis rapitur Cælum! candida THOMÆ  
discinditur vestis, detrahuntur tegumenta, quatenus  
communem professis insolentiam, induat libertatem:  
maternis non oculis, sed diris offertur, pro cubiculo car-  
cerem, pro molli strato pavementum, pro cibo decrusta-  
ta panis fragmina, biennalem novitiatum pro claustrali  
habiturus. Detonatur acrioribus in vincitum verbis;  
sed fragor hic, si vix aures, animum certè non percellit:  
stringitur vinculis; sed libertas menti non adimitur: fra-  
trum odijs insultantium concutitur; sed constantia non  
excutitur: detruditur in ergastulum; sed virtus non op-  
pri-



primitur: eripitur oculis dies; sed animo augetur: in  
inchoato sistitur motu; sed libera mentis non impedi-  
tur evolutio: humana arcentur consortia; sed angelica  
hæc supplet conuersatio: surgentibus de terra offunditur  
• vaporibus; sed ardor æstuantis dissipat consumptos.  
Nihil agis immanis ferociâ Theodora! nihil ferox im-  
manitate mater! cælum obscurari potest, tolli non po-  
test. Ac proinde non ideo mortales fatale quidquam  
portendi vobis vaticinemini; per noctem ad diem itur:  
Cælum vestrum modica hæc dispendia, majore compen-  
sabit auge. Quid dixi? parcite præcipiti A. præagio:  
insolita rerum iterum confusio, grauem minatur perni-  
ciem! omnia luctus, omnia solliciti plena deprehendo  
timoris. Horret mens, tantisq; torpescit malis: subita  
metamorphosi in præceps mundi agi præsentio fata.  
Cælum Veneris, Cælum solis inuolat! sidus Veneris in  
Cælo solis horoscopus quærît! virtutes illius è propria  
audet mouere sede, & à suis convulsas cardinibus, in A-  
uerni inanes deturbare hiatus: inq; lasciuæ assuetum si-  
gno oriri tauri, virginis castæ ingreditur domum. At  
quorsum, vesano concita amore, proruis Venus? hæredi-  
taria Creatoris possessio, turpis voluptuæ non sustinet con-  
tubernia; cælum, duos non patitur planetas. Procul  
hinc temeratis infame noctibus, & vitiosis decoctum  
ignibus Numen! procul cæcorum amicus penetralium  
Cupido! non in ejusmodi sagittario Aquinatus solet  
immorari Phæbus, qui in obscuro immaculatos corde

crudeliter sagittet. Abscede insolens puer; quæ tuam castigent temeritatem virgæ, non deerunt, grandioribus in te animadvertetur cometis. Moliaris extrema licet projecte in omnem turpitudinem lascivæ puelle; opus Dei excelsi, templum Spiritus Sancti non demolieris. Potes sacrilege incendiarie mentium, flammæ & ignes excitare; sed rore cæli imbutum pectus nullis corripies incendijs. Bonum quidem omen, si propudiosa vicini-ora cælo numina, clausuram profitentur, si non ideo pænitentiam quærent, ut innocentem efficiant juvenem pænitere. Târde tamen vestra agnovistis scelera, serò cum cælis reconciliari quæritis, non ilico sanctam incipitis conversationem: præfessio hæc voluntarij secessus, non ita voluptati præcludit iter, ut omnino renuncietis illi: spontanea angustijs coarctatio, sincera non creditur; quæ famulatore inferni stipata dracone, tertiam partem stellarum detrahare nitimini: ultroneo mancipatio ingressu færentis cellæ, ruinam celat; ne in carcere quoq; mancipijs amorum deliciari placeat: irides hæ oculorum, perpetuos pænitudinis præfagiunt imbres; arcus hi, belli non pacis tessera, ignitis metuendi telis. Retrahe igitur dexteram ab odoratis decori vultus lilijs, quæ in precium attactus, expuncta probitate, infinitis conscientiam torquerent aculeis. Quærit sub tenebris delicias formosû Numen, hospitari petit in hoc opaco: cave! ne domesticum in corde factum, locum occupet Dei. Evoluit se coràm oris purpura, imò pro-



voluit: vide! ne ab hoc ignitabulo latentes erumpant  
scintillæ. Lilia mixta rosis frontis possederunt aream:  
time, hos pensiles ad nutum, ingredi hortos! faucium in-  
de referes gressum, Quid ageret THOMAS? quæ tela  
in effrons detorqueret monstrum? quomodo erraticum  
fidus, e suo depelleret conuexo? exardescit in ignes, solui-  
tur in fulmina, suâ exterminat sphærâ, pridem vulcaniæ  
associatam incudi Venerem; ignitos in verticem conge-  
rendo carbones, ad furnos & fuligines damnat, testes  
sceleris inurit notas, ut taliter calamistrata, Acheron-  
ticos sibi nosceret potius debere recessus, non nitidas  
polorum regiones, additarumq; conscia in ore musca-  
rum, quàm inuerecundæ mentis tegerent simulacrum,  
procaciori abhinc non ita ferretur in solem aspectu.  
Plausit Cælum post debellatum Orcum; in triumphum,  
crucis erigit trophæa, ad quam famulans illi egit man-  
cipium: irruptione turbatum venerea, suæ quasi gratu-  
lando paci, pacatum quiescit; ampliore tamen ab advo-  
lantibus Intelligentijs cingitur, & ornatur fascia zodiaci,  
ut solidiore appendatur torque. Et ut purarum nonnisi  
mentium exinde pateat receptaculum, aureis Angelica  
manu desponsatur annulis, ne quid coinquinatum pati-  
atur introire, vel similem iniquitatem reuelet. Iamq;  
arbitramini forsitan Dominum de Sublimi hoc prospe-  
xisse? validiores adhuc parantur assultus! muliebris à  
pertinaci proposito non vult insanus desistere furor, &  
qui Dijs similis quondam ambiebat esse, cælos nunc in-

vadere conatur. Verùm excidet manibus hæc præda tu-  
is: Dei enim Habitatio est; Dei Habitatio est! tu mun-  
di facere allaboras? in communem est appensum lucem;  
appensum in lucem! tu detrahare in terram studes, nec  
jubenti Deo obtemperabis, cujus voci terra obedit; ter-  
ra! tu reluctaberis? sol obsequitur; sol! tu refragabe-  
ris? ignis paret, mare jussa perficit, montes acquiescunt,  
bruta morem gerunt jumenta; jumenta! montes! mare!  
ignis! tu hoc intractabiliorem, illis incultiorem & con-  
tumaciorem te præbebis? vox Dei est! assentire; volun-  
tas est! submittere illi. Redijt ad meliorem parens ira-  
ta mentem, arctiore filium custodiâ dissimulando di-  
mittit. Eluctare igitur, ad meridionalem jam nunc sta-  
tionem, tua decurre signa: nullus venenatus Plutonis  
scorpio cohibebit cursum, nullus retrogradus re-  
trahet cancer, non rugiens terrebit leo, donec super  
Neapolitanos steteris fines. Aristotelici latifundia  
Euripi, suis arentia fontibus, pleniore nequeunt decurre-  
re alveo, exiguis jam vix scaturiunt undis, donec largis  
in illum depluas stillicidijs. Porphiriana arbor secus il-  
lius plantata decursus, neq; in tempore gravidatur fru-  
ctu, quandoquidem efficaci tuo sæcundari indiget influ-  
xu. Theologici altitudo maris, exhaustam se fatendo,  
peritissimos absorptos in fundo præsentat naucleros:  
plures idem sperant naufragium, si directricem illis non  
accenderis stellam. Neapolim ergo deferitur THO-  
MAS: Theologicis, & divinis dissertationibus, os & stu-  
dio.



• diosam attinet mentem; catholicæ veritatis exarat ide-  
• am, quam adeo inconcussis circumsepit argumentis, ut  
• pro muris aheneis, contra hæreseos obiciatur incurfi-  
• ones. Poterat olim sophisticis de Erebi schola tran-  
• sumptis rationibus, cæcam urgere pertinaciam hæreticus  
• livor; fortioribus tamen cornutis syllogismis, corrivali-  
• um invidiâ bosculus THOMAS existimatus, ita eam re-  
• tudit & expunxit, ut ora concluderet blasphemam. Et verò  
tempus jam, ut e meridianis stativis, post quietem reli-  
giosam, velociori accingaris cursui: restat, ut non Nea-  
politanae solùm beneficium experiantur, remotiores tan-  
dem plagæ tuo exhilarentur aspectu. Lugdunensis, vi-  
tiorum æstibus decoquitur terra; cælestis plantatio in  
sua arefcit radice; semen verbi Dei in terras jactum, vi-  
gore caret; Christi messis in ipso emoritur flore. Nescio,  
quod sidus terras inundavit tempestate, faxea electum  
frumentum quatiens grandine, vineam Domini deua-  
stans, furentibus Euris præcellas Cedros Montis, qui  
Christus est, frangens; obvia nubibus Libani sternens  
decora, annosa cædens robora. Sponsa, tota nocturnis  
tectis tenebris, vicos & plateas obambulat, de Dilecto  
sollicita suo. Exturbatus hæreseos impetu ex suis sanctu-  
arijs Deus, securiora Sancta Sanctorum habere non po-  
test, quàm in tuo sole. Petri navis decumanis jactatur  
procellis, scopulis alliditur; summo jam in fluctu pen-  
det, rapidis mox vorticibus absorbenda: sed collectas  
fuga nubes, redde tranquillitatem. Quid moram nectis?

Summi Pontificis, Vicarij Dei, evocaris & inuitaris literis: totus purpuratorum Patrum præstolatur senatus: tyarata exambiunt capita: audient te prima Ecclesiæ Lumina, ut atris propositionum nubibus, lumen & Numen adferas. Iam Tarracinensem prætergrediebatur tractum, cum mortalibus e Fossa nova surgentibus interceptus umbris, in æternam clausit sua lumina noctem, stellâ occumbenti parentante. Sed luceant potius, non luceant stellæ, cum immensæ magnitudinis Cælum fertur in occatum! magna Domus Dei, & ingens locus possessionis ejus, ab auara occupatur morte. Immoriâmini vestro satius splendori serenati fulgores! cum irridente fatorum nocte, fulgor immensæ lucis terris occubuit.

Et jam cujus præsentia Cæli vos A. recreari vidi, non minùs absentia torqueri doleo, tantamq; tristitiam animis deprehendo ampliari, quantam intulerat amænitate; nisi Dominicanum Horizontem hæc dispendia scirem compensare. Ferax es luminum Sacratissima Religio, quæ in tuam professos regulam, vel ad Summi Pontificatus apicem, vel ad Cardinales purpuras, Archiepiscopales eminentias, Præsulea insignia, ad Doctorales promoues, & educas laureas, ut ab Honorio tertio non frustra te approbatam profitearis. Pariter cælestes dispensas fulgores: nova semper sanctitatis sidera terræ collucentia, Enipyreis enutrients sedibus. Ecclesiæ Catholicæ, quot! & quanta subministraveris lumina! testis est



est universus orbis, quæ super candelabrum posita, cum Innocentio quinto, Benedicto undecimo, Pio quinto mundum illustrârunt. Taceo plus quàm quadraginta purpuratos Ecclesiæ Cardinales, ingentia Nomina sanguinis, sapientiæ, & sanctitatis. Mitto Patriarchas octodecem, Archiepiscopos centum triginta, innumeros sacros Regum & Principum Oratores. Non attingo infinitam Doctorum multitudinem, qui Italiam, Hispaniam, Galliam, Poloniam, Germaniam, omnes deniq; Regionem, Provincias, Insulas illuminârunt; quorum redimiendis capitibus, cum adoreas queruletur sibi deesse Apollo neq; ego in publicum propono. Nec mirum, alij amici, vel serui Palladis; vos Reverendissimi Patres, exhausto illius ingenio, supra Romanam Minervam Vestros attollitis vertices. Submisit sapientiæ Dea eruditum caput, cum Vestra eruditissima aduertisset. Calcat scintillæ Numen, sanctiores professi literas, pro scuto, millia librorum, pro Ægide, calamos præferentes. Libenter se ipse Iupiter vestris substernit plantis, ut illustrior assurgeret, cælum sibi sub pedibus collocans, qui non aliò veloces urgent gressus, quàm ut magnis virtutum passibus ætherium attingant limen. Præmitto per quinq; prope sæcula continuatos Patriarchæ Vestri Successores, Sacri Palatii Magistros. Alibi scilicet Magistros inuenias scholarum, apud Vos Magistros Palatii, qui cultus Pontificij doceant, & dicent præcepta. Habetis Religiosissimi Patres tot discipulos, quot Ro-

ma;



manam accedunt Curiam, vel Summi Pontificis offeruntur obtutibus. Non prius ad osculum pedum, submissa admittitur veneratio, quàm Vestram prius in Vaticano, profundiore cultu honorans eminentiam, ad sacra aditum sibi efficiat libamina. Tot deniq; spectatis discipulos, quot in Romana, Parisiensi, Tolosana, Salmaticensi, Complutensi, Bononiensi, Lovaniensi, Leodiensi, Duacensi, Patauina Aurelianensi, Cracoviensi, Zamoyscensi, Posnaniensi, omnibusq; Vniuersitatibus, Angelici Doctoris imbuitis dogmatibus; vel associatas Religiones exaratis munimentis tenetis. Et quamvis toti immersi plane esse videamini scientijs; ijs tamen studiosius incumbitis, quæ ad veræ Religionis incrementum pertinent, hicq; zelus ita in Vobis eminet, ut non multis, sed Vobis ingenuus esse censeatur. Nunquam tamen magis hic in Vobis excellit, quàm cùm pro more, ut alias virtutes, ita hanc ad populi utilitatem eloquenter transfertis: sapientiâ in admirationem, probitate in amorem rapiendo. Vnde liceat mihi, liceat obsecro à Vobis quærere: unde hæc verborum potestas, qua audientes disertissimi Prædicatores, percellitis, & ad obsequendum Deo durissimos permouetis: vel enim Dij terrestres estis, vel Deo pleni, obstinatos in vitijs animos, contumaces frangendo mentes. E cælo igitur hos ignes esse, quibus scelera exuritis, agnoscimus, cælestem animum, dona cælestia fatemur. Sed quis ego, ut in Vestram descendam panegyrim? quos Summi in

ter-



terris Pontifices suis sunt profecuti elogijs: gloria Vestra  
perennis est; utpote indelebili charactere, Romanæ inci-  
sa Petræ: vera est, Vobisq; propria, annulo Piscatoris  
desponsata: secuta est; Petri commissa clauibus. Ho-  
noriùs tertius: pugiles Vos fidei, & vera mundi lumina  
agnouit. Alexander 4tus exultans spiritu, Ecclesiæ suæ  
gratulatur statui, quòd per Vestræ prædicationis, & do-  
ctrinæ salutaris instantiam, diuina suffragante gratia sit  
illustrata. Clemens 6tus; in ordine Vestro quasi solis  
radium eruditionem lucere testando, tenerrimo Vos est  
complexus amore. Bonifacius nonus, multiplicibus  
radiantes splendoribus aduertens, sonum prædicationis  
per diuersa mundi climata exiuisse exclamauit. Et vero  
etiam nunc tales Vos noscimus, terræ Decora, orbis De-  
licia, probitatis Miracula, sapientiæ Prodigia, Orthodo-  
xi soles cæli, Ecclesiæ Atlantes, fidei strenui Propugna-  
tores, Hæreticorum Terrores, Gentilium Victores, mi-  
litia Christianæ Antesignani, fluctuantis Petri navicu-  
læ Naucleri, orbis totius Instructores, Academiarû Ful-  
cra, Theologorum Compendia, eruditionis Oracula,  
Exempla sanctitatis. Tanti enim jam estis eruditione,  
& vitæ innocentia non degeneres à Patriarcha Vestro  
Filij! ut qui Vos ideo Doctos & sanctos dixerit: parum  
dixerit: qui doctissimos & sanctissimos, aliquid dixisse  
conatus fuerit. Verùm video animi humilitatem in-  
fra præconia descendere: sed facile ignoscetis, qui majo-  
ra exhibetis; imo ad finem peruenturam vix sperarem



orationem, si defessam & labentem ad terminum deducendo, à Vestris assequendis virtutibus non abstraherem. Vestrum tamen est, quidquid dixi; quæ occurrunt, attigi, cùm plura numerari non possent, quæ à Vobis geruntur. Deniq; si Divinissimi Doctoris, veneraturus tantùm accessi virtutes, non elocuturus; paucis tenuitati sermonis mei, si in adornandis Vestris panegyribus deficiens, Sanctissimi Doctoris perpetuus, non Orator, sed humilis descendero  
**ADORATOR.**

